



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 41. De procuratione Francisci Diastanii.

urn:nbn:de:hbz:466:1-38528

signis expressio, præteritæ vitæ scelera confessione eluit. Dimissis copiis, iterum Romerus ad Boni-aëris portum perrexit, unde postliminiò rediens, arma multa pro defensione Neophytorum ab Magistratibus imperata, ad nova Urvicæ & Paranæ oppida destinavit.

CAPUT

XL
De refiduis
rebus ad
Paranam
& Urvicam
gestis.

Venenum.

Impietas ca-
figura.

Adolescens
salubriter
baptizatur.

Parthenius
Sodalis pu-
nitior.

CAPUT

XL
De procu-
ratione
Francisci
Diafanii.

Diplomata
Pontificia.

Et Dona.

AD Paranam & Urvicam, magnâ Sociorum curâ, transmigratorum coloniæ reædificabantur, in quarum templo, solemini pompa, Provincialis Venerabile Sacramentum intulit. In Divi Ignatii ad Paraquarium oppido Petrus Bosquerus & Philippus Viverus, quod suo officio fungentes impudicos aliquorum mores castigarent, in nonnullorum offensionem incurre; qui collatis capitibus de utroque mactando consilia agitantes, primùm ausi sunt Philippo Vivero cum cibo venenum præbere, à cuius cibi maxima parte nauseabundus abstinens, mortem, sed non morbum, evitavit. Bosquero verò in ipso Sacrosanctæ Missæ Sacrificio toxicum cum vino datum est, indubie lethale futurum, nî optimus Pater, conspecto noti liquoris turbido colore, colari jussisset. Indicio utriusque maleficii accepto, in reos delictum fassos paternè animadversum est. Mulier, libertatis avita cupida, binos Neophytes, lenociniis seductos, è Sanctæ Annæ novo oppido in patriam secum abducens, in itinere ab feris discepta interiit. Eâdem pœnâ multatus, in altero Divi Ignatii ad Paranam oppido, puer Missæ Sacrificio festo die adesse renuens. Ex Sancti Josephi incolis unus Dóminico die serviliter in agro laborans, viperæ mortu, post expiatum scelus, animam exhalavit. Adolescens æger Sacerdoti nostro ad se acerito narravit, à foedi simis dæmonibus per somnum in foveam, ignes evomente, protractum fuisse, & cum nihil proprius esset, quā ut in eam protruderetur, ab formosissimo juvenc fuisse liberatum, aente, Dei misericordiæ id beneficium collatum fuisse, ne æternū periret. Interrogatus à Patre, num sibi conscientia esset lethalis culpæ? cum negando respondisset, diligentî factâ præteritæ vitæ indagine, repertum est, eum non fuisse baptizatum, quod putavisset alpersionem aquæ benedictæ, ante solemne Sacrum diæbus Dominicis usurpari solitam, ad Baptismum sibi suffecisse: baptizatus animi quietem, morum compositionem, & corporis valetudinem recepit. Parthenius Sodalis, inter Conceptionis oppidanos Christianis moribus diu excellens, propriarum deinde virtutum æstimator nimius, eò superbiæ devénit, ut ab Sodalito expelli debuerit; quo præsidio destitutus, projecto, quod ante gestare solebat, rosario, nemus ingrediens, laqueo, ut ex indiciis creditum est, sibi galam fregit. Provincialis post inspectionem utriusque fluvii, computans Baptismos à Patribus turbatissimis temporibus factos, reperit lex mille & quadringentos mortales ab Paranensisib⁹ Sociis, & ab Urvicensibus quinques mille & ducentos, sacro Fonte fuisse immersos. Ordinatis denique rebus, anno ad finem vergente, ad portum Boni-aëris renavigavit, Franciscum Diafanum, è procuratione Romana reducem, tandem excepturus. Cujus ego Procuratoris rationes, pro colophone rerum sub Didaco Boroa gestarum, non illibenter expendam.

FRANCISCUS Diafanus, expeditis Madriti plenisque negotiis, ubi Roman⁹ appulit, facile ab Mutio Vitellesco Generali delectum Sociorum per Provincias fieri impretravit: Romana, Neapolitana, Mediolanensis, Sardica, Flandrœbelgica, Gallobelgica, Hispanica pleræque selectissimos concessere. Urbanus Octavus, aliquor Diplomata ei tradi voluit, quorum uno potestate faciebat Indis, Æthiopibus, Iberisque, in his terris degentibus, ab Septuagesima, ut vocant, usque ad octavam diem post festum Corporis Christi, satisfaciendi Ecclesiastico præcepto, jubenti Christianos omnes in festo Paschatis communicare. Altero exagitabat abactores Indorum, vetans, ne quis quovis prætextu auderet aut Ethnicos, aut Neophytes in servitutem abigere, transgressoribus anathemate percussis. Corpus Divi Epimachi Martyris, codem Pontifice concedente, accepit. Qui Pontifex, memor privatæ olim cum Josepho Oregio amicitæ, non putavit ab Suprema in terris Potestate alienum, sacra dona, non sine testificatione voluntatis suæ, nominatum ei

transmittere.

transmittere. Cardinalis Oregius idem officium germano suo amantissimo liberaliter etiam præstít. Secundum id, benè appreccante Pontifice, Diaſtanus in Hispaniam cum Italib⁹ Parrib⁹ renavigans, Madriti ab Rege Catholico facultatem conducendi navim & viaticum, pro triginta Sociis secum, in Paraquariam transmisuris, accepit. Idem Rex, Regiā planē pietate, decretum ab suo Indico Senatu fieri voluit, quo Mamalucos populationem Indorum facere prohibebat, jubebatque latrocínio aut bello captos patriæ, libertatiq; restitui, & populationis iustæ reos damnari. Tanto Regis favore instructus, convocatis ex Hispaniæ provinciis designatis Sociis planē optimis, Ullipponem, flexo per Bœticam itinere, contendit: quod dudum jam appulerant sex Belgæ cum eo navigaturi. Hi ē Dunkercano portu solventes, in Angliam mutato habitu transmiserant, narrabantq; pænē se ab hæreticis pro Jesuitis fuisse agitos, quod assueti Religiosis moribus ægrè prophanorum hominum gestus fingerent. Auxit periculum datum indicium ab adolescenti extero, & Anglia pro Socierate Præpositi Provincialis in Socios hospites munifica benevolentia. Is inter alia religiosa dona, Doroverniam Patrib⁹ transmissa, thecā argenteā atque eburneā Hostias consecratas includi jussérat, communicatoq; Summi Pontificis privilegio, facultatem iis fecerat, Venerabile Christi Corpus secum portandi, & in Hispanica navigatione id clam hæreticis sumendi. Summum id donum secum ferebat Antonius Vanlurkius Flandrobelga, in quem antequām ē scapha in navim ascenderet, nocte intempestā involavère Dorovernici portū custodes, aut pro talibus se fingentes, prætenfaque regni consuetudine violenter reculas ejus omnes exploravēt. Quorum audacior unus argenteam thecam, Venerabile Christi Corpus continentem, ē secreto loculo diripiuit. Navim consenderat Joannes Meneses, nobilis Lusitanus, Maderæ Insulae quondam Prætor, Patrib⁹ natus; à quibus cùm cognovisset Sacrofæctum Christi Corpus in manibus hæretici hominis versari, pio furore excandescens, numerosam familiam suam, & Lusitanos vectores omnes armari jussit. Valuit ostentatio fortitudinis ad terrendos bellos illos venatores, ē quibus Antonius noster, non indicatā re, obseratam thecam recipiens, regularum aliarum incurias navim confundit & cum Sociis, Augusto mense, Ullipponem eodem die tenuit, quo Nuncius Apostolicus regiam hanc urbem factis interdixerat. Interdicti tempore, interim dum navis apparatur, ab Ullipponensibus Patrib⁹ omni officiorum genere excepti, utilem operam tum civibus, tum remigibus consulere. Franciscus Diaſtanus & Socii in pervigilio Purificatæ Virginis, quam in navigationis patronam elegerant, in altum vela vetterunt. Octavo ab discessu die, nocte intempestā, in Insulam, promontorio Viridi objectam, indubie impegiſſent, n̄i nauta vigil, favente Virgine, periculum antevertiſſet: quo diſcuſſo, plerique Socii ignota de causa ægrotavērā, ē quibus Joannes Soier Gallobelga, & Antonius Vanlurkius Flandrobelga, Sacerdotes, fatis concessere. Ille Malbodii natus, eminentis ingenii titulo in Societatem cooptatus, egregiæ pietatis specimine dato, Provinciam Indicam impetrārat, & Ullippone quantus futurus eset, si in Indiam appelleret, notabili eventu ostenderat: res sic ſc̄e habuit. Joannes Meneses, nobilis ille Maderæ Prætor, ex Anglia navigans, cum noltro Soierio amicitiam contraxerat, solebatq; postquām Lusitaniam tenuit, ē Collegio Ullipponensi in villam suburbanam, solatii ergo, eum evocare. In ea villa versabatur etiam Centurio non infirmus notæ, cui quodam die in vicinum agrum egreſſo, Joannis Soieri, Ullippone tum degentis, species objecta est, piis gestibus ad pietatem animantis. Mirum diſtu! ubi ea species evanuit, tales fensit Centurio interni doloris fensus, ut ob præteritæ vitæ delicta totus in lachrymas abiret. Cognitā causā, Joannes Meneses, ejusque mater, & numerosa familia, fensere etiam desiderium peccata apud Soierium deponendi, qui non diu pōst casu fortuito eō delatus, non tantum Centurionem, sed etiam universam ejus clientelam familialiā ab totius vitæ delictis expiavit. Ullippone quādam folia miraculum Virginis Foiēnsis, & formulas colendæ MARIAE, continentia typis mandavit. Causa acceleratæ mortis fuit Antimonium, liberalius, quād par erat, pro

Regis Catho-
lici liberali-
tatis.

Pietatis.

Belgarum
Sociorum
navigatio.

Periculum.

Consecrata
hostia in ma-
nibus hæreti-
corum devo-
tiōnāt.Et recipian-
tur.Ullipponen-
sium Socio-
rum caritatis.Joannes So-
ierii mors.

ostium.

*Antonii van
suerpius.*

remedio languideæ ægitudinis, ab inexpertâ manu ei infusum. Antonius vero Vansuerpius Antuerpiensis, unus è septem germanis fratribus, qui Mechliniæ Societati nomen dedere, omnium Sociorum lacrymas promeruit, inde expressas, quod plerorumque opinio esset, neminem eo, ex tot Francisci Diastanii Sociis, excellentioribus dotibus fuisse præditum. Modesti oris gravitas, loquendi suavitatis, in consulendo prudentia, in agendo hilaris efficacitas, & delicata pietatis affectus, omnium amores conciliabant. Bruxellis humaniores litteras & Rhetoricam per plures annos docuerat. Lovaniæ quadriennalem Theologie cursum cum laude perfecserat. In patria summis virtis par futurus, si non latère in angulo novi Orbis, quam in Belgii luce clarere maluisset. In ultimo agone interrogatus num ægrè moreretur, antequam Justum Vansuerpium germanum fratrem, in proxima Paraquaria laborantem, consiperet; respondit se non unius amore fratri, cum tot in Europa desereret, in Americam navigasse, libenterque abstenturum se totâ vitâ ab ejus conspectu in semota provinciæ parte, dummodò iis functionibus apud Indos occuparetur, quarum causâ venerat. Ipso Resurgentis Christi die corpus in mare projectum, communem lætitiam ingenti mœrore turbavit. Inter hæc funera plerique Socii morbo languebant, & maris tempestas adeò increverat, ut scens nautæ affligerent se iratus mare nunquam vidisse. Undarum furor navim versus promontorium Bonæ-spei, ab Argentei fluminis ostio immenso intervallo, quamvis in eodem latitudinis gradu, abstractum impulit; & mox variante cursu ad idem ostium repulit. Sed quia non remittebat vis tempestatis, depositâ spe ante hyemem Boni-aëris portum tenendi, quod reliquum fuit, in Brasiliam vela sunt versa.

CAPUT
XLII.
De turbis
Januarien-
tibus.

Pontificium
diploma pro-
mulgatum.

Mamaluci
tumultuan-
tur.

Uincunque
comprimantur.

IN Januariensem portum defectissimis viribus appulso Socios Petrus Mora, pro Generali Societatis Iesu Brasiliæ inspector, Joléphus Acosta Collegii Rector, religiosâ pland caritate, & Emmanuël Sa, regionis Prætor, magnifice prorsus excipere. Postquam deferbuere mutua urbanitatis officia, Franciscus Diastanus, muneri suo intentus, de Pontificio diplomate contra Indorum abactores iniquos, que retentores promulgando agens, quamvis omnia ordine fecerit, magnis se intricavit difficultatibus. Nam postquam id in templo nostro præconis voce publicatum est, Mamaluci, quorum multi Januariensem agrum incolunt, & eorum fautores, adeò vehementer exacerbati sunt, ut Socii de vitâ periclitati fuerint: tumultuosi enim homines, adunatis consiliis, Collegii nostri diffractionibus, in aream primùm irrumpentes, advenas probrosis nominibus appellatos ad mortem designavere. Diastanus præsertim diplomatis authori infestus: patrasentique forsitan multiplex scelus, nî Prætor in templum tumultuantem turbam artificiosè inducens, reverentiâ loci flagrantem animos uicumque compescuisset. Sequenti die, aduentu eodem Prætore, senatores Regi, viri patricii, & militiæ præfecti, necnon religiosorum hominum selectissimi, apud Carmelitanos convenientes, postquam Petrus Mora & Franciscus Diastanus demonstravere diploma Pontificium, ex legum formâ, cum facultate Nuncii Apostolici in Lusitaniâ degentis, atque Januariensis administratoris Ecclesiastici fuisse promulgatum; quamvis non ignorarent appellationem fore inutilem, tamen tumultuum vitandorum causâ authores ipsimet fuere, de diplomate Urbani VIII, ad ipsummet diplomatis authorem nominatim exprimendum, appellandi. Quorum sententia non ægrè annuentibus adversarum partion primoribus, sic in præsentiarum ab confessu discissum, ut arbitrarentur, prudentiâ Petri Moræ & Francisci Diastanii difficillimum periculofissimumque negotium, qualemcumque exitum fortitum fuisse. Nec dubitatum, eam mentem Patribus injectam esse, ut vellent tempori se accommodare: postea enim certis authoribus cognitum est, quodam Mamalucos in mortem Moræ & Diastanii, adeoque ipsius Prætoris, conjurasse, si in promulgandi diplomatis sententia persistissent. Sic lis utrimque ad suprema tribunalia in Europam transmissa est, numquam decidenda; Mamalucis in Indorum perniciem sacra prophanaque jura pertinaci perfidiâ deridentibus.

CAPUT